

## ЎЗБЕКИСТОН ПРЕЗИДЕНТИ САНКТ-ПЕТЕРБУРГГА КЕЛДИ

Ўзбекистон Республикаси Президенти Шавкат Мирзиёев амалий ташриф билан Санкт-Петербург шаҳрига келди.

“Пулково” халқаро аэропортида олий мартабали меҳмонни Ленинград вилояти ва Санкт-Петербург раҳбарияти кутиб олди.

Мамлакатимиз етакчиси Мустақил Давлатлар Ҳамдўстлигига аъзо давлатлар раҳбарларининг норасмий учрашувида иштирок этади.

Бўлажак тadbир доирасида Ҳамдўстлик мамлакатлари етакчилари йилнинг асосий яқунларини сарҳисоб қилдилар ҳамда МДҲ мақомида кўп томонлама ҳамкорликни янада ривожлантиришнинг долзарб масалаларини кўриб чиқдилар.

Ўза

## САНОАТ ТАРМОҚЛАРИДАГИ ЛОЙИҲАЛАР ВА РЕЖАЛАР ТАНҚИДИЙ КЎРИБ ЧИҚИЛДИ

Президент Шавкат Мирзиёев 25 декабрь куни ҳудудларда электротехника, кимё ва фармацевтика тармоқларини ривожлантириш масалалари бўйича йиғилиш ўтказди.

Саноатдаги таркибий ўзгаришлар ва шароитлар натижасида сўнгги беш йилда ушбу учта тармоқда ишлаб чиқариш 2,6 баробар ошган, уларнинг саноатдаги улуши 7 фоизга етган. Шунингдек, 231 турдаги янги маҳсулотлар ўзлаштирилиб, экспорт 1,6 миллиард долларни ташкил этган.

Жорий йилнинг ўзида электротехникада 163 миллион долларлик 39 та, кимё саноатида 70 миллион долларлик 17 та ва фармацевтикада 87 миллион долларлик 57 та корхона ишга тушди.

Шу билан бирга, бу тармоқларда фойдаланилмаган имкониятлар ҳали кўп. Ички бозорни маҳаллий маҳсулотлар билан тўлдириш электротехникада 50 фоизга, кимё саноатида 40 фоизга, фармацевтикада 18 фоизга ҳам етмайди.

Ҳудудларда ташкил қилинган зоналардан ҳамда саноат кооперацияси имкониятларидан етарлича фойдаланилмапти. 116 та корхонага олиб келинган 85 миллион долларлик саноат ускунаси ишга тушмасдан турибди. 727 та корхона тўлиқ қувватда ишламаяпти.

Йиғилишда шу каби камчиликлар танқидий таҳлил қилиниб, долзарб вазифалар белгиланди.

Ҳоқимликлар саноат тармоқлари билан узвий боғлиқликда ишлаб, ҳудудларда иқтисодий диверсификация қилиши, лойиҳаларни кўпайтириши зарур. Шундагина жойларда иқтисодий ўсиш, иш

ўрни, бюджетга тушум бўлади, — деди Шавкат Мирзиёев.

Келгуси йилда мазкур 3 тармоқда 12 миллиард 700 миллион долларлик 24 та йирик лойиҳа бошланиши қайд этилди. “Навоийазот” да поливинилхлорид ва Кўнғиротда кальцийланган сода қувватларини кенгайтириш, Қорақўлда метанолдан олефин олиш, Самарқандда маиший техника ва автомобиллар учун металл листлар ишлаб чиқариш лойиҳалари шулар жумласидандир.

Давлатимиз раҳбари бу лойиҳаларга керак бўладиган қурилиш материаллари ва асбоб-ускуналарни етказиб беришга маҳаллий корхоналарни жалб этиш муҳимлигини таъкидлади.

Шунингдек, тармоқ ва ҳудудлар биргаликда ишлаб, электротехникада 2,1 миллиард долларлик 190 та, кимё саноатида 3,8 миллиард долларлик 139 та, фармацевтикада 1,5 миллиард долларлик 110 та ўрта ва кичик лойиҳаларни шакллантирган. Йиғилишда Президент уларнинг қуввати, яратилажак маҳсулотлар тури ва иш ўрнига эътибор қаратиб, лойиҳаларни жадаллаштириш ва самардорлигини ошириш бўйича кўрсатмалар берди.

Мутасаддиларнинг лойиҳалар ижроси, ҳудудлар ва тармоқларнинг ўзаро боғланган иш тизими юзасидан ахбороти эшитилди.

Ўза

## ШУКУҲ

### “ПРЕЗИДЕНТ СОВҒАСИ” КАРВОНИ БОЛАЛАРГА ҚУВОНЧ УЛАШИШ УЧУН ЙЎЛГА ТУШДИ



Ҳар биримиз Янги йил байрамини интиқлик билан кутамиз. Айниқса, болажонлар. Байрам тadbирларидаги бир-бирдан қувонч, сеҳрли намоийшлардан Қорқобою Қорқиз совғасигаҳа уларга олам-олам завқ бағишлайди. Байрам қувончидан ҳар бир бола баҳраманд бўлади. Мамлакатимизда хайрли анъана — “Президент совғаси” бу йил ҳам Янги йил байрами муносабати билан ўз эгалари — болажонларга қувонч етказиш учун ҳудудларга юборилди.

Давоми 2-бетда

## Ўзбекистон Республикаси Президентининг ФАРМОНИ

### ЎЗБЕКИСТОН РЕСПУБЛИКАСИ ФАНЛАР АКАДЕМИЯСИНING ҲАҚИҚИЙ АЪЗОЛАРИНИ ТАСДИҚЛАШ ТЎҒРИСИДА

Ўзбекистон Республикаси Президентининг 2023 йил 28 февралдаги ПФ-27-сон Фармони билан тасдиқланган 2022-2026 йилларга мўлжалланган Янги Ўзбекистоннинг тараққиёт стратегиясини “Инсонга эътибор ва сифатли таълим йили”да амалга оширишга оид давлат дастурининг 173-бандига мувофиқ, Ўзбекистон Республикаси Фанлар академияси ташкил топганлигининг 80 йиллигини кенг нишонлаш, мамлакатимиз илм-фани нуфузини янада ошириш, илмий-технологик салоҳиятини юксалтиришда академик илм-фаннинг ролини кучайтириш мақсадида:

1. Ўзбекистон Республикаси Фанлар академияси Ҳайъати ва тегишли фан ихтисосликлари бўйича

фаолият кўрсатаётган ҳақиқий аъзоларининг тавсиясига асосан қуйидагилар Ўзбекистон Республикаси Фанлар академиясининг ҳақиқий аъзоси этиб тасдиқлансин:

#### Физика-математика фанлари бўйича

Ахмедов Бабомурот Жураевич — Фанлар академияси Мирзо Улуғбек номидаги Астрономия институти лаборатория мудири  
Абдуллаев Фатхулла Хабибуллаевич — Фанлар академияси Физика-техника институти бош илмий ходими

Розиков Уткир Абдуллоевич — Фанлар академияси В.И.Романовский номидаги Математика институти директори уринбосари

#### Кимё фанлари бўйича

Туляганов Дилшат Убайдуллаевич — Тошкент шаҳридаги Турин политехника университети кафедра мудири  
Сағдуллаев Шамансур Шахсаидович — Фанлар академияси С.Ю.Юнусов номидаги Ўсимлик моддалари кимёси институти директори

Давоми 2-бетда

## Ўзбекистон Республикаси Президентининг ФАРМОНИ

### ЎЗБЕКИСТОН РЕСПУБЛИКАСИ ФАНЛАР АКАДЕМИЯСИНING 80 ЙИЛЛИГИ МУНОСАБАТИ БИЛАН БИР ГУРУҲ ОЛИМ ВА ТАДҚИҚОТЧИЛАРНИ МУКОФОТЛАШ ТЎҒРИСИДА

Мамлакатимизда илм-фан соҳасини ривожлантириш, халқимизнинг интеллектуал салоҳиятини юксалтириш, фан-техника тараққиётини янги босқичга кўтариш борасидаги кўп йиллик самарали меҳнати, нуфузли хорижий муассасалар билан ўзаро ҳамкорликни янада мустаҳкамлаш, бой маънавий меросимизни халқаро миқёсда тарғиб этиш, илғор инновацион лойиҳаларни амалга оширишга қўшган улкан ҳиссаси, юксак билими ва малакали илмий ходимларни тайёрлаш, ёшларимизни буюк ашломларимизга муносиб авлод этиб тарбиялаш, Учинчи Ренессанс пойдеворини яратиш йўлидаги ибратли фаолияти ҳамда ижтимоий ҳаётдаги фаол иштироки учун қуйидагилар фахрий унвон, орден ва медаллар билан мукофотлансин:

#### “Ўзбекистон Республикаси фан арбоби” фахрий унвони билан

Тураев Аббасхан Сабирханович — Ўзбекистон Республикаси Фанлар академиясининг Биоорганик кимё институти директори, академик

#### “Ўзбекистон Республикасида хизмат кўрсатган ёшлар мураббийси” фахрий унвони билан

Юсупова Дилорам Юнусовна — Ўзбекистон Республикаси Фанлар академиясининг Шарқшунослик институти етакчи илмий ходими, академик

#### “Меҳнат шўҳрати” ордени билан

Намазов Шафаат Саттарович — Ўзбекистон Республикаси Фанлар академиясининг Умумий ва ноорганик кимё институти лаборатория мудири, академик

#### “Дўстлик” ордени билан

Гусакова Светлана Дмитриевна — Ўзбекистон Республикаси Фанлар академиясининг Ўсимлик моддалари кимёси институти бош илмий ходими, профессор

Джалилов Абдулахат Турапович — “Тошкент кимё-технология илмий-тадқиқот институти” давлат унитар корхонаси директори, академик

Давоми 2-бетда

## БУЮК ЎЗБЕК ЙЎЛИ



### Президентимиз Шавкат Мирзиёев раислигида Республика Маънавият ва маърифат кенгашининг 22 декабрь куни бўлиб ўтган кенгайтирилган йиғилишидан кейинги ўйлар

XXI асрда англаб етган ҳақиқатларимиздан бири шуки, мамлакатлар ўртасида зиддиятлар авж олаверса, бирор давлатда рўй берган бахтсиз ҳодисага беписанд қарасак, бефарқ бўлаверсак, оддий халқ ўз муаммолари билан ёлғиз ташлаб қўйилса, бундай вазиятда тараққиёт инқирозга юз тутаяди, инсоний муносабатлар издан чиқади.

Очик айтамыз, бугунги сиёсий дипломатия алақачон янги ўзанини топган. Бу йўл “куч дипломатияси”га асослангани билан ғоят таҳликали ва хатарли бўлиб қолмоқда. Давлатимиз раҳбари таъкидлаганидек, бугун жаҳон миқёсида тараққиёт суръатлари мисли кўрилмаган даражада шиддатли тус олмоқда. Айни вақтда азалий қадриятлар, ижтимоий-сиёсий қарашлар тизимида чуқур трансформация жараёнлари юз бермоқда. Илгари ўз мақсад ва манфаатларини, асосан, дипломатия ва сиёсат билан химоя қилиб келган дунёдаги қудратли марказлар энди очiqқасига босим ўтказиш, қарама-қаршилик ва тўқнашувлар йўлига ўтганига ҳаммамиз гувоҳимиз.

Бундай шароитда тинчликпарвар, тараққиётпарвар давлатлар олдида ниҳоятда мураккаб ва оғир йўл қолади. Бу — миллийликни, ўзликни сақлаш йўли. Янги Ўзбекистон ҳам ана шу йўлда.



Давоми 3-бетда



www.yuz.uz



yuz.uznews



yuz\_official



yuz.uz\_news

Ўзбекистон Республикаси Президентининг

ФАРМОНИ

# ЎЗБЕКИСТОН RESPUBLIKASI ФАНЛАР АКАДЕМИЯСИНING ҲАҚИҚИЙ АЪЗОЛАРИНИ ТАСДИҚЛАШ ТЎҒРИСИДА

Бошланиши 1-бетда

**Турабджанов Садриддин Махаматдин** — Ислон Каримов номидаги Тошкент давлат техника университети ректори  
**Реймов Ахмед Мамбеткаримович** — Бердақ номидаги Қорақалпоқ давлат университети ректори

## Биология фанлари бўйича

**Давранов Кахрамон** — Фанлар академияси Микробиология институти директори

## Техника фанлари бўйича

**Садиков Илхам Исмаилович** — Фанлар академияси Ядро физикаси институти директори

## Қишлоқ хўжалиги фанлари бўйича

**Намазов Шадман Эргашович** — Пахта селекцияси, уруқчилиги ва етиштириш агро-технологиялари илмий-тадқиқот институти директори ўринбосари

## Тарих фанлари бўйича

**Зиё Азамат Хамид ўғли** — Фанлар академияси Тарих институти директори

## Иқтисодиёт фанлари бўйича

**Тухлиев Нурислам** — Ўзбекистон халқаро ислон академияси профессори

## Филология фанлари бўйича

**Сирожиддинов Шухрат Самариддинович** — Алишер Навоий номидаги Тошкент давлат ўзбек тили ва адабиёти университети ректори

## Педагогика фанлари бўйича

**Ибраимов Холбой** — Т.Н.Қори Ниёзий номидаги Ўзбекистон педагогика фанлари илмий-тадқиқот институти директори

## Тиббиёт фанлари бўйича

**Мусабаев Эркин Исакович** — Республика ихтисослаштирилган эпидемиология, микробиология, юқумли ва паразитар касалликлар илмий-амалий тиббиёт марказининг Вирусология илмий-тадқиқот институти директори

## Психология фанлари бўйича

**Шаумаров Гайрат Бахрамович** — "Профи университети" нодавлат таълим ташкилоти ректори

2. Ўзбекистон Республикаси Фанлар академияси президенти Б.С.Йўлдошев Фанлар академиясининг тасдиқланган ҳақиқий аъзоларининг асосий фаолият йўналишлари доирасида 2024 йилга мўлжалланган "Йўл хариталари"ни тасдиқласин, ижросини назоратга олсин ва режалаштирилган барча тадбирларни тегишли вазирлик ва идоралар билан биргаликда амалга оширилишини таъминлаш юзасидан зарур чораларни кўрсин. "Йўл хариталари"да Фанлар академиясининг тасдиқланган ҳақиқий аъзолари томонидан, жумладан, қуйидаги йўналишлардаги тадбирлар амалга оширилиши назарда тутилсин:

## Ўзбекистон Республикаси Президенти

Тошкент шаҳри,  
2023 йил 22 декабрь

## Ш. МИРЗИЁЕВ

Ўзбекистон Республикаси Президентининг

ФАРМОНИ

# ЎЗБЕКИСТОН RESPUBLIKASI ФАНЛАР АКАДЕМИЯСИНING 80 ЙИЛЛИГИ МУНОСАБАТИ БИЛАН БИР ГУРУҲ ОЛИМ ВА ТАДҚИҚОТЧИЛАРНИ МУКОФОТЛАШ ТЎҒРИСИДА

Бошланиши 1-бетда

**Ибрагимова Элвира Меметовна** — Ўзбекистон Республикаси Фанлар академиясининг Ядро физикаси институти бош илмий ходими, профессор  
**Саидханов Насир Шакирович** — Ўзбекистон Республикаси Фанлар академиясининг Физика-техника институти илмий котиби, профессор

**Хожиматов Олимжан Каххарович** — Ўзбекистон Республикаси Фанлар академиясининг Ботаника институти ҳузуридаги Тошкент ботаника боғи лаборатория мудири, профессор

## "Шухрат" медали билан

**Аимбетов Иззет Каллиевич** — Ўзбекистон Республикаси Фанлар академиясининг Қорақалпоғистон бўлими Қорақалпоқ табиий фанлар илмий-тадқиқот институти лаборатория мудири

**Илясова Саида Равилевна** — Ўзбекистон Республикаси Фанлар академиясининг Миллий археология маркази катта илмий ходими

## Ўзбекистон Республикаси Президенти

Тошкент шаҳри,  
2023 йил 22 декабрь

## Ш. МИРЗИЁЕВ

Республика Маънавият ва маърифат кенгашининг 22 декабрь куни бўлиб ўтган кенгайтирилган йиғилишида давлатимиз раҳбари хорижда юртимизнинг маданий дипломатиясини ривожлантиришда ЮНЕСКО билан ҳамкорликни янада кенгайтиришга алоҳида эътибор қаратди.

## Габриэла Рамос:

### ЮНЕСКО Ўзбекистон билан ўз ваколатлари доирасида ўрнатилган ҳамкорликдан фахрланади

Президентимиз Ўзбекистоннинг 2023 йилда ЮНЕСКО билан ҳамкорликда эришилган қатор муҳим ютуқлари, жумладан, ташкилот Бош конференцияси 43-сессиясини 2025 йилда Самарқанд шаҳрида ўтказиш тўғрисидаги қарорга тўхталиб ўтди.

Жорий йилда ЮНЕСКО доирасида эришилган муваффақиятлар Ўзбекистон етакчисининг БМТ институти билан ўзаро ҳамкорликни кенгайтиришга қаратаётган эътиборининг амалий ифодаси бўлиб, бунинг самараси ўлароқ, мамлакатимизнинг ЮНЕСКО билан алоқалари барча соҳаларда мисли кўрилмаган даражага кўтарилди. ЮНЕСКО Ўзбекистоннинг саяёҳатларини алоҳида қадрлайди ва ўзаро муносабатларда эришилаётган ютуқлар мазкур тузилма раҳбарияти томонидан ҳам илқ қўтиб олинмоқда.

Жумладан, ЮНЕСКО Бош директорининг ижтимоий ва гуманитар фанлар бўйича ўринбосари Габриэла Рамос "Дунё" ААга берган интервьюсида Президент Шавкат Мирзиёев раислигида бўлиб ўтган кенгайтирилган йиғилиш якунлари, шунингдек, Ўзбекистон ва ташкилот ўртасидаги ҳамкорлик ҳолати ҳамда истиқболларига оид фикрлар билдирди.

— 2023 йил ЮНЕСКО ва Ўзбекистон ўртасидаги муносабатларни янада кенгайтириш нўқтай назаридан бой ва самарали бўлди.

Ўзбекистон ЮНЕСКОнинг жуда муҳим аъзоси, чунки сиз ва мен маданият, таълим ва илм-фан соҳаларида биргаликда тарғиб қиладиган бой кадрларга эгамиз.

Масалан, ЮНЕСКО қароргоҳида бу йил буюк комурий олим Абу Райхон Беруний таваллудининг 1050 йиллигини тантанали равишда нишонладик. Сунъий интеллект соҳасида ахлоқий тарғиб қилиш орқали илмий мулоқотни рағбатлантириш мақсадида Абу Райхон Беруний номидаги ЮНЕСКО — Ўзбекистон халқаро мукофотини таъсис этиш бўйича ишлар қизгин давр этмоқда. Чунки бу Ўзбекистон билан ҳамкорликнинг асосий йўналишларидан бири ҳисобланади.

2021 йилда Ўзбекистон билан ҳамкорликда ишга туширган "Хива жараёни" платформаси доирасида биз Марказий Осиёда сунъий интеллект соҳасида ахлоқий тавсияларни илгари суриш бўйича фаол иш олиб боряпмиз.

Ўзбекистон эрта ёшдаги болаларга ғамхўрлик ва таълим, шунингдек, маданий соҳадаги саяёҳатларни қўллаб-қувватлашга катта ҳисса қўишида давом этмоқда.

"Дунё" АА,  
Париж шаҳри

## БИЗ ВА ДУНЁ

Ўзбекистон Президенти Шавкат Мирзиёев Мустақил Давлатлар Ҳамдўстлигига аъзо давлатлар раҳбарларининг норасмий саммитида иштирок этиш учун 25-26 декабрь кунлари амалий ташриф билан Санкт-Петербург шаҳрида бўлади.

## ЎЗБЕКИСТОН — МДҲ: ДУНЁ ТИНЧЛИГИ ВА ХАЛҚЛАРИМИЗ ФАРОВОНЛИГИ ЙЎЛИДАГИ КЎП ТОМОНЛАМА ЎЗАРО БОҒЛИҚЛИК

Ўзбекистон МДҲ доирасида савдо-иқтисодий алоқаларни чуқурлаштириш, транспорт-коммуникация тармоқлари, илмий-техник, соғлиқни сақлаш, атроф-муҳит муҳофазаси, спорт, маданият ва туризм соҳаларида ўзаро ҳамкорликни мустаҳкамлаш тарафдори бўлиб келмоқда.

2017 йилдан бошлаб Ўзбекистон Ҳамдўстлик доирасидаги фаолиятини сезиларли даражада фаоллаштирди ва бугунги кунда МДҲнинг деярли барча устак органларида иштирок этаётди.

Ўзбекистон Президентининг МДҲ Давлат раҳбарлари кенгаши мажлисларида иштироки якунлари бўйича имзоланган ҳужжатлар ва мамлакатимиз томонидан илгари сурилган ташаббусларнинг ўз вақтида ва тўлиқ амалга оширилишини таъминлаш бўйича "Йўл хариталари" ишлаб чиқилди. Хусусан, "Йўл хариталари"ни амалга ошириш доирасида Ўзбекистон 24 та соҳавий ҳамкорлик органига қўшилди. Натижада Ўзбекистон МДҲнинг 86 органидан 65 та тармоқ тузилмалари фаолиятида иштирок этмоқда. Уларнинг

мақсадли вазифалари миллий манфаатларга жавоб беради ва Ўзбекистон томонининг қизиқишини тасдиқлайди.

2020 йилда Ўзбекистон МДҲга раислик қилди. Раислик давомида COVID-19 пандемияси чекловларига қарамай, 50 дан ортиқ тадбирлар ўтказилди. Хусусан, Бирлашган Миллатлар Ташкилоти Бош Ассамблеясининг БМТ ва МДҲ ўртасидаги ҳамкорлик тўғрисидаги резолюцияси ташаббус илгари сурилиб, ушбу ҳужжатнинг бир овоздан қабул қилиниши таъминланди.

2021 йилда Ўзбекистон МДҲ тармоқ органлари фаолияти доирасида техник регламентларни уйғунлаштириш, келишилган тариф сиёсатини амалга ошириш ва МДҲ иштирокчи давлатлари ўртасида ўзаро преференциялар бериш орқали авиаташуви деярли тўлиқ тиклашга ва транспорт йўлақларининг қўраб-қўриқлигини оширишга муваффақ бўлди.

2022 йилда Ўзбекистонда илк бор Ҳамдўстлик Ижодий ва илмий зиёлилари форуми ҳамда МДҲ

Парламентларо ассамблеясининг сессияси бўлиб ўтди. Ушбу тадбирларда Ҳамдўстликка аъзо мамлакатлардан 700 дан ортиқ илмий ва ижодкор зиёлилар, депутатлар, олимлар ва экспертлар, шунингдек, ҳамкор халқаро ташкилотлар вакиллари қатнашди.

Жорий йилнинг апрель ойида Самарқанд шаҳрида МДҲ Ташқи ишлар вазирлари кенгашининг мажлиси бўлиб ўтди. Учрашув якунида иштирокчи давлатлар ўртасида кўп қиррали ҳамкорликни янада мустаҳкамлашга қаратилган 9 та қарор қабул қилинди.

8 июнь куни Сочи шаҳрида (Россия) бўлиб ўтган МДҲ Ҳукумат раҳбарлари кенгаши йиғилишида Ўзбекистоннинг тақлифи билан МДҲ саноат кооперациясини ривожлантириш концепцияси ва 2030 йилгача бўлган даврда Ҳамдўстликнинг саноат кооперациясини ривожлантириш бўйича чора-тадбирлар мажмуи қабул қилинди.

МДҲ Давлат раҳбарлари кенгашининг 2023 йил 13 октябрь куни Бишкек шаҳрида бўлиб ўтган йиғилишида Ўзбекистон ташаббуси билан 2024 йилда Самарқанд шаҳрига "Ҳамдўстлик Маданият пойтахти", Тошкент шаҳрига эса "Ҳамдўстлик Ёшлар пойтахти" мақоми берилди.

Умуман, МДҲ фаолиятида ўзаро манфаатли асосда иштирок этиш Ўзбекистон ташқи сиёсатининг устувор йўналишларидан бири ҳисобланади. Мамлакатимиз етакчисининг Санкт-Петербург шаҳрига амалий ташрифи ва МДҲга аъзо давлатлар раҳбарларининг норасмий саммитида иштироки, шубҳасиз, Ўзбекистон билан МДҲ мамлакатлари ўртасидаги янада яқин ва серқирра ҳамкорлик асосларини мустаҳкамлашга хизмат қилади.

"Дунё" АА

## ШУКУХ

## "ПРЕЗИДЕНТ СОВҒАСИ" КАРВОНИ БОЛАЛАРГА ҚУВОНЧ УЛАШИШ УЧУН ЙЎЛГА ТУШДИ

Бошланиши 1-бетда

Меҳрибонлик уйлари тарбияланувчилари, ота-она қаровисиз қолган, ота-ониси Ватан сарҳадларини ҳимоя қилиш йўлида қурбон бўлган болалар, "SOS" — Ўзбекистон болалар маҳаллалари уюмасининг болалар маҳаллалари, болалар уйлари ва "Мурувват" ногиронлиги бўлган болалар интернет уйлари тарбияланувчилари, ижтимоий ҳимояга муҳтож оилалар фарзандлари учун бериладиган "Президент совғаси" ҳадемай уйил-қизларга қувонч улашади.

Мақтабача ва мактаб таълими вазирлиги ахборот хизматидан маълум қилишларича, умумий ҳисобда 11 минг дон "Президент совғаси" таркибига Президентимизнинг болаларга йўллаган Янги йил байрами табриги, 17 турдаги ширинликлар, 2 номдаги канцелярия маҳсулотлари, смарт соат, дарс магнит тахтаси ва бошқа совғалар киритилган. Шунингдек, 12 ёшдан катта 1600 тарбияланувчининг совғалари таркибига планшетлар ҳам мавжуд.

— "Президент совғаси" Қорақалпоғистон Республикаси, Хоразм, Бухоро, Навоий, Сурхондарё, Қашқадарё, Самарқанд, Андижон, Фарғона ва Наманган вилоятларига "Uzbekistan Airways" АЖ самолётлари орқали, Сирдарё, Жиззах, Тош-



кент вилоятлари ва Тошкент шаҳрига ҳудудий Давлат йўл ҳаракати хавфсизлиги бошқармасининг кузатуви остида автотранспорт воситаларида етказилмоқда. — дейди Мақтабача ва мактаб таълими вазирлиги бўлими бошлиғи Рўзибек Тўраев. — Ҳар йили янги йил арафасида давлатимиз ғамхўрлигининг ифодаси сифатида минглаб болажонларга "Президент совғаси" тортиқ қили-

ниши уларни эзгу ишларга руҳлантириб, катта орзу-мақсадлар сари бошлаши шубҳасиз.

"Президент совғаси" ҳудудий ҳокимликлар иштирокида жорий йилнинг 29-30 декабрь кунлари тантанали равишда ўз эгаларига топширилади.

Рисолат МАДИЕВА,  
"Янги Ўзбекистон" муҳбири







